

U G O V O R broj: 17-14-36465-4
o nabavci novogodišnje galanterije za potrebe Kantona Sarajevo

I – UGOVORNE STRANE

- 1. Kupac:** **KANTON SARAJEVO**
Stručna služba za zajedničke poslove
ul.Reisa Džemaludina Čauševića 1, Sarajevo
ID broj: 4200667410006
koju zastupa načelnik, Fikret Jašarević
u daljem tekstu: **Kupac**
- 2. Prodavac:** **„DEFTER-KOMERC“ d.o.o.**
ul. Azize Šaćirbegović dd, Sarajevo
ID broj: 4200535260005
koga zastupa direktor Šaćir Pandžo
u daljem tekstu: **Prodavac**

II – PREDMET UGOVORA

Član 1.

Kupac naručuje, a Prodavac preuzima obavezu da za potrebe Kupca, prema uslovima i odredbama ovog Ugovora i na osnovu prihvaćene ponude Prodavca **broj: 80/17 od 19.12.2017. godine**, izvrši nabavku i isporuku novogodišnje galanterije za potrebe Kantona Sarajevo.

Član 2.

Prodavac se obavezuje da će po nalogu Kupca, a na osnovu narudžbenice od strane Kupca, dostaviti zahtijevane količine novogodišnje galanterije, koje su naznačene u prihvaćenoj ponudi.

III – KVALITET I OBIM

Član 3.

Prodavac se obavezuje da svu isporuku robe koje zahtjeva Kupac izvede prema prihvaćenoj ponudi, uz potpuno poštivanje svih elemenata koji su definisani prihvaćenom ponudom, vodeći računa o usaglašenosti sa važećim propisima, standardima i normativima za ovu vrstu robe.

Član 4.

Za svu isporučenu robu, Prodavac je dužan o svom trošku, izraditi i Kupcu u svakom trenutku dostaviti odgovarajuću dokaznu dokumentaciju (pisanu), o blagovremenoj realizaciji nabavke koja je predmet ovog ugovora.

Član 5.

Eventualna odstupanja od obima ovim ugovorom i ponudom predviđene nabavke, moraju biti prethodno odobrena od strane Kupca.

IV – KONTROLA

Član 6.

Nadzor nad realizacijom navedene nabavke i isporuke novogodišnje galanterije vršit će Stručna služba za zajedničke poslove Kantona Sarajevo preko ovlaštene Komisije, koja će se formirati odmah po potpisivanju ovog ugovora na najdalje u roku 10 (deset) dana. Kupac je dužan da pismenim putem obavijesti Prodavca o formiranju Komisije i njenim ovlaštenjima.

V – GARANCIJA O KVALITETU

Član 7.

Prodavac daje garanciju na kvalitet isporučene robe.

Član 8.

U slučaju pojave nedostataka u toku nabavke (kašnjenje isporuke, kvalitet štampe, kvantitet štampe), Prodavac je dužan da odmah, a najdalje u roku od 24 (dvadesetčetiri) sata po pozivu Kupca pristupi njihovom otklanjanju i iste otkloni o svom trošku.

U slučaju da se Prodavac po pozivu Kupca ne odazove u roku iz stav 1. ovog Ugovora, Kupac stiče pravo da za otklanjanje nedostataka, na račun Prodavca angažuje drugog Prodavca.

Član 9.

U slučaju naknadne pojave nedostataka u kvalitetu nabavke robe, Prodavac je dužan da otklanjanju nedostataka pristupi odmah po pozivu Kupca. U slučaju da Prodavac to izbjegava Kupac će postupiti na način predviđen članom 8. ovog Ugovora.

VI – CIJENA USLUGA

Član 10.

Prihvata se jedinične cijene robe ponuđene u ponudi broj: 80/17 od 19.12.2017. godine:

<i>Red br.</i>	<i>OPIS ROBE</i>	<i>Jed. mj</i>	<i>Kol.</i>	<i>Jedinična cijena bez PDV-a</i>	<i>Ukupna cijena bez PDV-om</i>
1.	Rokovnik A-4 plavi	kom	100	7,30	730,00
2.	Rokovnik B-5 spektra plavi	kom	150	6,10	915,00
3.	Kišobran mediteran crno	kom	50	19,70	985,00
4.	Set pisaći u metal.kut pace	kom	50	4,40	220,00
5.	Kalendar trodjelni ad.	kom	300	2,60	780,00
6.	Kalendar BiH gradovi	kom	100	2,70	270,00
7.	Kalendar stolni Kanton	kom	200	2,20	440,00
8.	Sat zidni	kom	15	23,80	357,00

1. Ukupna cijena 4.697,00 KM (cijena bez PDV-a),

2. Iznos PDV-a 798,49 KM (PDV),

3. UKUPNO: 5.495,49 KM (cijena sa PDV-om)

Član 11.

Prodavac nema pravo na promjenu ugovorene jedinične cijene roba, po bilo kom osnovu, te u tom smislu utvrđena jedinična cijena smatra se fiksnom i nepromjenljivom.

Cijena roba se može mijenjati samo u izuzetnim slučajevima (velike oscilacije na tržištu) uz obostranu saglasnost Kupca i Prodavca.

Prodavac i Kupac su saglasni da se robu koja nije obuhvaćena ovim članom posebno ugovaraju kroz dostavljanje ponude-predračuna od strane Prodavca i usvajanje istih od strane Kupca, što se ima potvrditi izdavanjem narudžbenice.

VII – NAČIN I USLOVI PLAĆANJA

Član 12.

Ugovorne strane su se sporazumjele da Kupac, Prodavcu za isporučenu robu plaća na

- žiro račun broj: **1410010000024027** ("BBI Bank").

Član 13.

Fakturisanje robe će se izvršiti odmah nakon prijema robe, dok će Kupac fakturisano robu platiti **u roku od 15 dana**, od dana ispostavljanja fakture.

VIII TRAJANJE UGOVORA, ROKOVI I USLOVI NABAVKE ROBE

Član 14.

Ovaj Ugovor stupa na snagu danom potpisivanja i **traje do izvršenja isporuke robe.**

Član 15.

Kupac je dužan Prodavcu omogućiti pristup mjestu isporuke novogodišnje galanterije (*Centralna zgrada Kantona Sarajevo u ul. Reisa Džemaludina Čauševića 1*).

IX PENALI I KAZNA

Član 16.

U slučaju da Prodavac svoju ugovorenu obavezu ne izvrši u ugovorenom roku i u zahtijevanom obimu, Kupac stiče pravo na obračun i naplatu kazne za prekoračenje ugovorenog roka u iznosu od 5% od izvedene vrijednosti usluga za predhodni mjesec, a najviše do 5% od vrijednosti robe.

XI PRIJEM I PRIMOPREDAJA

Član 17.

Prijem robe obavlja Kupac.

XIII IZMJENA ODREDBI UGOVORA, RASKID UGOVORA

Član 18.

Ugovorne strane su saglasne da se odredbe Ugovora mogu mijenjati sporazumno i samo u pisanoj formi i kao takav dokument čini sastavni dio ovog Ugovora.

Član 19.

U slučaju da jedna od ugovornih strana ne izvršava svoje obaveze u cijelosti ili ih izvršava djelimično, i ukoliko takvim ne izvršavanjem obaveza čini štetu drugoj ugovornoj strani, druga ugovorna strana stiče pravo na jednostran raskid Ugovora i naplatu nastale štete.

XIV PRELAZNE I ZAVRŠNE ODREDBE

Član 20.

U slučaju spora po ovom Ugovoru, ugovorne strane su dužne isti sporazumno riješiti, a ukoliko to ne bude moguće, saglasne su da prihvataju nadležnost suda u Sarajevu.

Član 21.

Ovaj ugovor stupa na snagu danom potpisa od strane ugovornih strana.

Član 22.

Ovaj ugovor sačinjen je u 4 /četiri/ istovjetna primjerka od kojih po 2 /dva/ primjerka za svoje potrebe zadržava svaka ugovorna strana.

PRODAVAC:
„DEFTER-KOMERC” d.o.o.
Sarajevo

/Šaćir Pandžo/

KUPAC:
KANTON SARAJEVO
Stručna služba za zajedničke poslove

/Fikret Jašarević/

Sarajevo, 28-12-2017 godine.